

“CRISPY KAKVU JA VIDIM”

Intesa Sanpaolo Banka d.d. BiH u povodu Međunarodnog dana štednje (31. oktobar/listopad) kreirala je Javni poziv putem kojeg poziva sve vrtiće - predškolske ustanove i/ili osnovne škole na teritoriji BiH, da uzmu učešće u kreativnom stvaranju o temi "CRISPY kakvu ja vidim".

1. Organizator

Intesa Sanpaolo Banka d.d. Bosna i Hercegovina, Obala Kulina bana 9a, ID broj 4200720670007, kontakt telefon 033/ 497-555, kontakt mail info@intesasanpaolobanka.ba, web stranica www.intesasanpaolobanka.ba.

2. Trajanje

Javni poziv objavljuje se 09.10.2023. godine u dnevnom listu Oslobođenje, na web stranici Banke www.intesasanpaolobanka.ba i putem društvenih medija Banke. Pored ovog dokumenta sastavni dio Poziva je Izjava koju škole/vrtići moraju potpisati, kao i Formular za prijavu, te Saglasnost koju je potrebno da potpiše roditelj/staratelj za svako prijavljeno dijete u grupi. Radovi će se moći dostavljati do 23.10.2023. godine dok će odabrani učesnici kojim će se uručiti donacije sa iznosima donacija biti poznati 31.10.2023. godine, što će biti objavljeno putem društvenih mreža Banke, te web stranice. Odabrani učesnici kojim će se uručiti donacije će biti obaviješteni putem kontakata koje navedu u prijavnom Formularu.

3. Žiri

Pristigle radove ocjenjivat će tročlana komisija koju imenuje Intesa Sanpaolo Banka d.d. Bosna i Hercegovina.

4. Pravo na učešće

Pravo učešća imaju svi državljani BiH (djeca) uzrasta od 5 do 10 godina, koji pohađaju vrtić - predškolska grupa ili osnovnu školu registrovanu na teritoriji Bosne i Hercegovine. Prilikom prijave OBAVEZNO je popuniti Formular koji je sastavni dio Javnog poziva, a koji se nalazi na web stranici Banke (u rubrici Vijesti), te popuniti Izjavu vezanu za objavu radova, te Saglasnost koju je potrebno da potpiše roditelj/staratelj za svako prijavljeno dijete u grupi.

5. Učešće

Intesa Sanpaolo Banka poziva sve vrtiće - predškolske ustanove i/ili osnovne škole, da prijave radove djece uzrasta od 5 do 10 godina na Javni poziv koji nosi naziv "CRISPY kakvu ja vidim", a koji je u potpunosti orijentisan na Međunarodni dan štednje. Potrebno je da djeca grupno naprave određeni kreativni rad/djelo - npr. slika (sve tehnike crtanja/slikanja), priča, maketa i sl, a o temi „CRISPY kakvu ja vidim“. CRISPY predstavlja vjevericu koja je ujedno zaštitni znak dječije štednje Intesa Sanpaolo Banke, te bismo voljeli saznati kako djeca vide našu CRISPY vjevericu i štednju zajedno. Rad, Formular, Izjavu i Saglasnost roditelja/staratelja je potrebno dostaviti putem pošte/brze pošte na adresu Obala Kulina bana 9a, 71000 Sarajevo, s naznakom ZA JAVNI POZIV "CRISPY kakvu ja vidim". Pravo učešća imaju **isključivo** vrtići - predškolske ustanove i/ili osnovne škole registrovane na teritoriju Bosne i Hercegovine u vezi sa radovima **djece uzrasta od 5 do 10 godina**.

6. Potpuna dokumentacija i poštivanje pravila Javnog poziva

Samo radovi koji budu ispravno dostavljeni ispred određene registrovane škole/vrtića-predškolske ustanove, na navedenu adresu Banke i koji budu imali ispunjen Formular i potpisanu Izjavu, te Saglasnost roditelja će ući u razmatranje. Svaka prijava kojoj bude nedostajao jedan od navedenih dokumenata bit će automatski diskvalifikovana.

7. Objava dobitnika

Radovi se mogu dostaviti do 23.10.2023. godine to je ujedno posljednji dan za predaju dokumentacije u vašoj pošti. Nakon prijema svih pošiljki putem pošte bit će održano otvaranje i pregled radova i dokumentacije, te dana 31.10.2023. godine objava učesnika kojim će se dodijeliti donacija. Odabrani učesnici će biti objavljeni na web stranici Banke, kao i na društvenim mrežama.

8. Donacije

Donacije će se dodijeliti na sljedeći način:

1.000,00 KM donacije za prijavljenu školu/predškolsku ustanovu čiji rad bude ocjenjen kao najkreativniji.

600,00 KM donacije za prijavljenu školu/predškolsku ustanovu čiji rad bude ocjenjen kao drugi najkreativniji.

400,00 KM donacije za prijavljenu školu/predškolsku ustanovu čiji rad bude ocjenjen kao treći najkreativniji.

9. Otkazivanje

Organizator zadržava pravo da prekine Javni poziv u slučaju okolnosti za koje Organizator nije odgovoran, odnosno koje nije mogao spriječiti, otkloniti ili izbjeći, u kojem slučaju se oslobada svih mogućih nastalih obaveza prema učesnicima. Organizator ne snosi nikakvu odgovornost zbog tehničkih problema ili grešaka u unosu podataka i drugih razloga koji ne ovise od Organizatora. Učesnik koji učestvuje u Javnom pozivu prihvata prava i obaveze ovih Pravilnika. Organizator zadržava pravo promjene Pravilnika uz prethodnu objavu u dnevnim novinama, društvenim medijima Organizatora i web prezentacije Organizatora. Odluke Organizatora donesene prema Pravilima o provođenju javnog poziva konačne su i obavezujuće za sve učesnike. U slučaju spora između Organizatora i učesnika nadležan je Općinski sud u Sarajevu.

10. Osobni podaci

Učesnik je dužan prilikom davanja podataka dati istinite, tačne i potpune kontakt podatke o sebi. Učesnik je saglasan da ga Organizator kontaktira koristeći njegove kontakt podatke. U slučaju nedostupnosti Učesnika iz bilo kojeg razloga, uključujući netačne podatke ili nemogućnost uspostavljanja kontakta, a nakon 7 dana od objave, Organizator Javnog poziva može dodijeliti donaciju narednoj rangiranoj ustanovi.